



BILTEN

BR. 34

Informativne novine IZB u Švedskoj

SEPTEMBAR 2017



BOSNIAKISKA ISLAMISKA SAMFUNDET
ISLAMSKA ZAJEDNICA BOŠNJAKA U ŠVEDSKOJ



El Kiram
International
Organizacija za hadž i umru

UMRA 2017-18

Polazak:
25.12.2017.

Kopenhagen - Kairo - Medina

Povratak:
05.01.2018.

Jeddah - Kairo - Kopenhagen

Organizator i aviokompanija zadržavaju zakonsko pravo
promjene datuma polaska i povratka 1-2 dana

CIJENA : 15.800 SEK

SVE PRIJAVE I UPLATE DO 15. novembar 2017. GODINE

| CIJENA PO OSOBI | 4. KREVNINA SOBA | 3. KREVNINA SOBA | 2. KREVNINA SOBA |
|---|------------------|------------------|------------------|
| ODRASLE OSOBE | 15.800 kr | 16.800 kr | 17.300 kr |
| DJECA OD 02-11 god. | 15.000 kr | 16.000 kr | 16.500 kr |
| DJECA OD 02-11 god. (U istom krevetu s roditeljem) | 12.000 kr | 12.000 kr | 12.000 kr |
| DJECA OD 0-2 god. | 3.500 kr | 3.500 kr | 3.500 kr |

CIJENA UKLJUČUJE:

- * Povratnu avionsku kartu * Smještaj u Medini: **Hotel Zam Zam Pullman** ili iste Lux kategorije, 5 zvjezdica sa doručkom - otvoreni bife
- * Smješta u Meki **Hotel Infinity** sa 5 zvjezdica u četverokrevetnim sobama sa POLUPANSIONOM - otvoreni bife doručak i večera
- * Viza za Umru * Sve posjete u Meki i Medini * Šerijatski vodič

Kontakt: Almedin-ef. Spahić
Mob: 072-926 19 37
almedin.ze@gmail.com



**Broj potpisanih pristupnica
u džematima IZBUŠ**

| | 17-07-24 | 17-09-12 |
|-------------|----------|----------|
| Malmö | 1530 | 1537 |
| Stockholm | 1268 | 1269 |
| Göteborg | 919 | 952 |
| Borås | 736 | 739 |
| Norrköping | 644 | 649 |
| Skövde | 587 | 586 |
| Landskrona | 463 | 461 |
| Helsingborg | 451 | 455 |
| Gislaved | 427 | 426 |
| Jönköping | 348 | 352 |
| Linköping | 380 | 388 |
| Trollhättan | 328 | 328 |
| Trelleborg | 291 | 294 |
| Halmstad | 256 | 262 |
| Växjö | 272 | 272 |
| Motala | 184 | 184 |
| Örebro | 183 | 182 |
| Vetlanda | 116 | 116 |
| Surte | 103 | 102 |
| Varberg | 75 | 75 |
| Västerås | 70 | 73 |
| Karlstad | 39 | 39 |
| Värnamo | 46 | 54 |
| Kalmar | 17 | 17 |
| Oskarshamn | 5 | 5 |
| Karlskoga | 0 | 0 |
| | 9738 | 9817 |

www.izb.se

Potražite nas i na facebook-u
Islamska zajednica Bošnjaka u
Švedskoj



UVODNIK

U proteklom periodu imali smo nekoliko značajnih aktivnosti u Zajednici.

Održano je Savjetovanje za predstavnike džemata IZBUŠ. Centralni mevlud i seminar za aktivne članice IZBUŠ-a.

U toku je prikupljanje i posljednjih pristupnica za članstvo u našoj Zajednici putem poreza za narednu godinu. Krajnji rok za pristupanje članstvu od naredne godine je 31.10.2017. Pristupnice koje se potpišu poslije 31.10., ostvarivat će pravo punopravnog člana tek od januara 2019.

U ovom broju Biltena objavljujemo jednu novu aktivnost IZBUŠ-a, a to je organizovani odlazak na Umru.

Umra je jedan od ibadeta koje je činio naš Poslanik, s.a.v.s.

Muhamed, a.s., je za svog života obavio četiri puta umru. I prema našem mezhebu, umra je pritvrđeni sunnet.

Ne smijemo tražiti razloge da se ne upućujemo na umru, nju treba želiti, njoj stremiti i ona će se uz Allahovu pomoć realizirati.

Svim ovogodišnjim mu'temirima želimo hairli putovanje i molimo Allaha, dž.š., da primi naše ibadete. Amin

Almedin-ef. Spahić

Savjetovanje

Održano Savjetovanje sa predstavnicima džemata

Seminar

Održan seminar za žene

Mevlud


Održan centralni mevlud IZBUŠ

Umra

POZIV: Odlazak na umru 2017

Hutba

Hutba o Umri



U JÖNKÖPINGU ODRŽANO SAVJETOVANJE SA PREDSTAVNICIMA DŽEMATA ISLAMSKE ZAJEDNICE BOŠNJAKA U ŠVEDSKOJ

U subotu, 23. septembra 2017. godine, u Jönköpingu je održano savjetovanje sa predstavnicima džemata Islamske zajednice Bošnjaka u Švedskoj. Uz prisustvo predstavnika 21 džemata i predstavnika Bemufa, obrađene su trenutno najaktualnije teme sa posebnim naglaskom na usaglašavanje normativnih akata, realizaciju projekta Maternji jezik u džematima i prezentaciju projekta „Hand i hand“

Savjetovanje je gotovo u cijelosti posvećeno raspravi o normativnim aktima. Zbog velike važnosti koja se pridaje pitanju izrade normativnih akata savjetovanju je prisustvovao i predstavnik Rijasetu IZ u BiH, Mensur-ef. Karadža.

Vođena je veoma konstruktivna diskusija o Statutu IZBUŠ i o Pravilniku o jedinstvenoj članarini i vjerskim uslugama.

Po pitanju Statuta IZBUŠ zaključeno je da Statutarna komisija na osnovu diskusija pripremi konačan prijedlog za usvajanje na narednoj Skupštini, dok je za Pravilnik o jedinstvenoj članarini i vjerskim uslugama potrebno sačekati da Komisija za analizu administracije poreske članarine završi svoj dio posla, na osnovu čega će Statutarna komisija pripremiti promjene ovog Pravilnika.

Kada su u pitanju projekti „Maternji jezik“ i „Hand i hand“, oba projekta su dobili podršku i zaključeno je da se shodno mogućnostima nastavi sa njihovom realizacijom.



Jönköping: Delegati iz džemata na savjetovanju



Uspješno održan Seminar za aktivne članice IZBUŠ-a



Islamska zajednica Bošnjaka u Göteborgu je bila domaćin dvodnevnog Seminara za aktivne članice u našim džematima održanog od 30. septembra do 1. oktobra 2017. Organizator Seminara je Izvršni odbor Islamske zajednice Bošnjaka u Švedskoj u suradnji sa studieförbundet NBV. Seminaru je prisustvovalo 60 predstavnica iz 10 džemata IZBUŠ.

Minela Jakupović, koordinatorica Vijeća žena je rukovodila ovim seminarom.

Na samom početku mualima Mevlija Alić počastila je prisutne nadahnutim učenjem Kur'ana časnog.

U ime džemata Göteborg prisutne je poselamio i poželio im dobrodošlicu Fuad-ef. Čolić, tamošnji imam.

Ispred Izvršnog odbora IZBUŠ prisutne je poselamio predsjednik IZBUŠ-a Sakib Kenjar i u svom kratkom obraćanju istakao ulogu i značaj žene u našoj Zajednici i društvu.

Predstavnica Bemufa Nejra Buljubašić je u svom obraćanju predstavila organizaciju i aktivnosti koje Bemuf sprovodi.

Teme seminara su bile prilagođene potrebama i željama naših aktivnih članica a uz prisustvo predavača iz Bosne i Hercegovine.

U toku seminara diskutovane su teme:



- Pravilna ishrana u teoriji i praksi
- Jesmo li zastupljeni dovoljno u medijima, javni nastup u medijima
- Metodčki pristup u procesu učenja bosanskog jezika sa predstavljanjem Pravopisnog priručnika
- Ljudska prava /žena muslimanka u današnjem vremenu

Predavači na gore pomenute teme bili su:

Doc.dr. Marizela Šabanović, nutricionistica

Mr. Aida Kršo, Institut za jezik

Amina Đulović, novinar

Fadila Jašarević, član IO IZBUŠ

Predsjednik IZBUŠ-a Sakib Kenjar poselamio je prisutne ispred IO IZBUŠ i istakao ulogu i značaj žene u našoj Zajednici i društvu.

Doc. Dr. Marizela Šabanović je u predavanjima govorila na temu: Pravilna ishrana u teoriji i praksi u sklopu koje je održala i radionicu na istu temu te odgovarala na brojna pitanja učesnica seminara.

Mr. Aida Kršo je kroz metodički pristup u procesu učenja bosanskog jezika izvan granica BiH predstavila i Pravopisni priručnik bosanskog, hrvatskog i srpskog jezika sa osnovama gramatike.

Fadila Jašarević je govorila o primjeni Pravopisnog priručnika u učenju maternjeg jezika po metodama narodnog obrazovanja. Da bi podstakli učenje bosanskog jezika u džematima a posebno u sekcijama žena, jedan dio predstavnica džemata su dobile po primjerak Priručnika te studijski plan za isti. Ukupno je podijeljeno 15 Priručnika koje je obezbijedio NBV.

Amina Đulović, novinar je govorila o tome jesmo li dovoljno zastupljeni u medijima, kako da se predstavimo u pravom svijetlu nasuprot svim propagandama koje nam se danas plasiraju. U sklopu iste teme održana je i radionica na temu javni nastup.

Takođe učesnice seminara su imale priliku čuti predavanje na temu Ljudska prava/žena muslimanka u

današnjem vremenu koje je pripremila Fadila Jašarević. Cilj nam je podstaći diskusiju o netrpeljivosti i rasizmu sa akcentom na naš angažman po ovom pitanju.

U slobodnom vanprogramskom vremenu Fadila Jašarević je govorila o Jevmu-ašuri, s obzirom da je seminar održan u tom danu.

Sa seminara je upućena želja da domaćin narednog ovakvog seminara bude naš Džemat u Malmöu.

Po ocijeni učesnica Seminar je bio veoma uspješan, kako po pitanju organizacije tako i po pitanju odabira predavača i gostiju, te obrađenih tema.

Na kraju želimo uputiti veliko hvala Sekciji žena džemata Göteborg, članicama Vijća žena kao i svima ostalim koji su nesebičnim radom doprinijeli uspješnosti Semira.

Fadila Jašarević



U BORÅSU ODRŽAN CENTRALNI MEVLUD

U subotu, 7. oktobra 2017., u Boråsu je održan Centralni mevlud Islamske zajednice Bošnjaka u Švedskoj, kojom prilikom je upriličena i posjeta gradilištu vakufskog objekta kojeg džemat Borås gradi.

Mevludski program održan je u prostorijama našeg džemata u Boråsu u prisustvu velikog broja džematlija iz gotovo svih naših džemata. Ispred Rijasetu IZ u BiH mevludu je prisustvovao Nezim-ef. Halilović, Muderis.

Program je počeo klanjanjem podne namaza, a onda su imami Islamske zajednice Bošnjaka u Švedskoj proučili tradicionalni mevlud.

U toku programa prisutnima su se obratili imam džemata Borås Elvedin-ef. Bešlija, predsjednik Islamske zajednice Bošnjaka u Švedskoj Sakib Kenjar, te Nezim-ef. Halilović, Muderis.

Imam džemata je poselamio sve prisutne i iskoristio priliku da se zahvali svim dosadašnjim vakifima, a njih je sa svih strana, te zamolio da se projekt nastavi pomagati.

Poseban ugođaj bilo je obraćanje Muderisa, Nezim-ef. Halilovića. Nezim-ef. je govorio na temu 7. vrata Dženeta u okviru koje je naglasio važnost džemata, domovine, porodice, te iskoristio priliku da naglasi važnost stvaranje mreže Bošnjaka i pozvao sve prisutne da se obavezno registriiraju u okviru projekta „Online“.

Poslije programa domaćin se pobrinuo da svi gosti ove svečanosti budu počašćeni lijepom bosanskom hranom, a onda je upriličena posjeta objektu koji džemat gradi. Bio je to najljepši završetak ovog susreta.





UMRA 2017

Ovim obavještavamo zainteresirane kandidate za umru da Islamska zajednica Bošnjaka u Švedskoj ove godine organizira odlazak na umru.

Polazak na umru je 25. decembar, a povratak 05. januar.

Za dobijanje vize potrebno je pribaviti sljedeće dokumente:

1. Pasoš koji važi još najmanje 6 mjeseci. Ukoliko pasoš nije švedski, potrebna je boravišna dozvola u Švedskoj koja, također, važi još najmanje 6 mjeseci.
2. Personbevis na engleskom jeziku
3. Četiri fotografije pasoškog formata sa svijetlom pozadinom
4. Žuti karton za vakcinu protiv meningitisa
5. Popunjen i potpisan formular za prijavu za umru
6. Za žene mlađe od 45 godine, ukoliko im je mahrem (pratilac) muž, potrebno je dostaviti vjenčani list na engleskom jeziku, a ako je mahrem otac, brat ili sin, personbevis na engleskom jeziku koji potvrđuje rodbinsku vezu.

Kompletnu dokumentaciju treba poslati najkasnije do 28. novembra, a formular prijave za umru, uplatu i kopiju pasoša do **15. novembra 2017.** na adresu:

BIF

Gesällgatan 2A

302 55 Halmstad

Napomena:

Uz prijavu za umru obavezno je odmah uplatiti ukupni iznos Umre.

(Uplate se vrše na P.G. broj: 73 88 14 – 3)

Cijena aranžmana je 15 800 SEK.

Djeca od 0-2 god.plaćaju samo dio avionske karte. (3500kr)

Djeca od 02-11 god.plaćaju 95% od pune cijene. (15.000kr)

Djeca od 02-11 god. u istom krevetu sa roditeljima plaćaju 12.000kr

Djeca od 11 god.starosti i više plaćaju punu cijenu.

U cijenu je uračunato sljedeće: povratna avionska karta, boravak u Saudijskoj Arabiji na bazi polupansiona, hoteli sa 5*. U Medini boravak sa doručkom-otvoreni bife. U Mekki doručak i večera. 5 litara Zem-zema. Svi transferi i posjete svetim mjestima Mekke i Medine. **Doplata za trokrevetnu sobu 1000kr po osobi, za dvokrevetnu sobu 1500kr po osobi.**

Napominjemo, također, da je broj mjesta ograničen i da prednost imaju oni kandidati koji se prvi prijave.

Kontakt za dodatne informacije: **072-926 19 37 , Almedin-ef. Spahić** E-mail: **almedin.ze@gmail.com**



Hutba

Hatib: Almedin-ef. Spahić

Hvala Allahu, dž.š., na svim blagodatima, salavat i selam Njegovom poslaniku Muhamedu, s.a.v.s.
Cijenjeni džemaate!

U današnjoj hutbi govorimo o umri, o kojoj se veoma malo zna. Također, literatura o umri veoma je oskudna, pa ćemo se u današnjoj hutbi podsjetiti i naučiti o ovom ibadetu.

U Kur'anu, u 97. ajetu sure Ali Imran, stoji:

"Hodočastiti Kabu dužan je, Allaha radi, svaki onaj koji je u mogućnosti, a onaj koji neće da vjeruje – pa, zaista, Allah nije ovisan ni o kome."

Umra je poseban ibadet koji se sve više organizuje i kolektivno obavlja. Jezički znači zijaret ili posjeta. U šerijatskom značenju umra je zijaret tj. posjeta Kabi na poseban način, uz oblačenje ihrama, obavljanja tawafa, sa'ja, te brijanja ili kraćenja kose.

Put na hadž i umru je jedinstveno putovanje u svijetu, kojem čovjek već poslije prvog odlaska stalno žudi i želi da se ponovo nađe na prostoru svetih mjesta Mekke i Medine.

Hanefijski mezheb, kome i mi u našoj Zajednici pripadamo smatra umru pritvrđenim sunnetom i obavezom jednom u životu i pohvalno je često obavljati i veliki sevab, tog su mišljenja i malikije, dok drugi kažu da je ona farz'ajn jednom u životu.

Poslanik, s.a.v.s. je rekao: "Hadž je obavezan, a umra je dobrovoljna." Također, Muhamed, a.s., kaže: "Od umre do umre Allah, dž.š., briše sve eventualne grijeha, a za primljen hadž kod Allaha, dž.š., nema druge nagrade osim dženneta."

Poslanik, s.a.v.s. je umru obavio četiri puta u svom životu.

Umra se može obavljati tokom čitave godine, izuzetak su samo dan Arefata i dani Kurban bajrama, obavljati u tim danima je izuzetno pokuđeno, prema mišljenju Ebu Hanife.

Zašto je jedinstveno putovanje? Mnogo je toga što bi smo mogli spomenuti da opravdamo ovu tvrdnju, a spomenut ćemo samo neke momente i mogućnosti.

Obaviti namaz u džematu u našim prilikama je 27 puta bolje nego obavljati sam. A obaviti jedan namaz u haremu Kabe vrednije je 100.000 puta više nego na drugom mjestu, a u Poslanikovoju, s.a.v.s. džamiji u Medini 1000 puta vrednije nego na drugom mjestu na zemlji.

Prostor harema Kabe je najdraže mjesto Allahu, dž.š., na zemlji. Onaj ko zijareti ovo mjesto biva Allahov, dž.š., gost.

Zar možemo ostati ravnodušni, ukoliko smo u prilici da poselamimo Poslanika, s.a.v.s., za svog života a to ne uradimo.

Hodati zemljom kojom je hodio naš uzor i učitelj Muhamed, s.a.v.s.



Klanjati u mesdžidu Kuba, džamiji koju je Poslanik, s.a.v.s., napravio za tri dana pred ulazak u Medinu, prilikom činjenja hidžre. Posjetiti mesdžidu Kibletejn, brdo Uhud, mezarja gdje su ukopani veliki broj ashaba Božijeg Poslanika, s.a.v.s., pečinu Hira gdje je počela objava Kur'ana itd.

Završit ćemo riječima Muhameda, a.s.: "Ko posjeti moj kabur zaslužio je moj šefa'at (zauzimanje na Sudnjem danu)" i "ko me posjeti poslije moje smrti kao da me je posjetio dok sam bio živ."

Braćo i sestre,

Nesmijemo tražiti razloge da se ne upućujemo na umru, nju treba želiti, njoj stremiti i ona će se realizirati. Umra je tu da nas očisti i da nas približi svome Gospodar.

Islamska zajednica Bošnjaka u Švedskoj u saradnji sa organizacijom El-Kiram, ove godine u periodu novogodišnjih praznika, krajem decembra i početkom januara organizuje zajednički odlazak na Umru.

Ovo je idealna prilika da izvršimo pritrđeni sunnet našeg Poslanika, s.a.v.s., i zaslužimo njegovo zauzimanje na Sudnjem danu.

Pozivamo sve zainteresovane kandidate da se na vrijeme prijave i prikupe potrebnu dokumentaciju. Formular prijave za umru, uplatu i kopiju pasoša dostaviti do 15. novembra, a kompletnu dokumentaciju za dobijanje vize potrebno je poslati do 28. novembra na navedenu adresu u pozivu.

Činimo dovu Uzvišenom Allahu, dž.š., da ovo skromno kazivanje bude od koristi svima nama, da se zainteresujemo za ovaj ibadet, te da nam primi sve naše ibadete i uvede nas u Dženneti Firdevs! Amin





BILTEN



imam*ba*

ISLAMSKI PORTAL ZA SVE VAS!

www.imam.ba

Poziv svršenicima i svršenicama medresa koji žive u Švedskoj

Islamska zajednica Bošnjaka u Švedskoj priprema bazu podataka imama i muallima, koji bi mogli i željeli mijenjati naše aktivne imame na džuma namazima, vjerskoj pouci i drugim obavezama, za vrijeme godišnjih odmora i drugim prilikama.

Stoga, pozivamo sve svršenike i svršenice medresa, koji žive u Švedskoj a nisu angažirani u nekom od naših džemata, da se jave glavnom imamu Idriz-ef. Karamanu, na mejl adresu: idrizekaraman@hotmail.com

POZIV NA SARADNJU

Oglasite se i Vi u Biltenu IZB u Švedskoj!

Javite nam se sa vašim tekstom, prijedlogom, primjedbom i sugestijom.

e-mail: bilten@izb.se

BILTEN

Informativne novine

**Islamske zajednice
Bošnjaka u Švedskoj**

GLAVNI UREDNIK

Idriz-ef. Karaman
glavni imam

IZVRŠNI UREDNIK

Almedin-ef. Spahić

REDAKCIJA:

Savjet glavnog imama:
Hasan-ef. Jašarević
Fuad-ef. Čolić
Elvedin-ef. Bešlija

Stari brojevi/arhiva:

[www.izb.se/index.php/
bilten](http://www.izb.se/index.php/bilten)

Bemuf

www.bemuf.org